



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՆԵՐՔԻՆ ԳՈՐԾԵՐԻ ՆԱԽԱՐԱՐ  
ՀՐԱՄԱՆ**

N 18 - Լ

**ՌՈՏԱՑԻԱՅԻ ԵՆԹԱԿԱ ՈՍՏԻԿԱՆՈՒԹՅԱՆ ԾԱՌԱՅՈՂՆԵՐԻ  
ՑԱՆԿԸ ԵՎ ՌՈՏԱՑԻԱՅԻ ԻՐԱԿԱՆԱՑՄԱՆ ԿԱՐԳԸ  
ՍԱՀՄԱՆԵԼՈՒ ՄԱՍԻՆ**

Համաձայն «Ոստիկանությունում ծառայության մասին» օրենքի 2-րդ հոդվածի 4-րդ մասի և ղեկավարվելով Հայաստանի Հանրապետության վարչապետի 2023 թվականի մարտի 14-ի N 270-Լ որոշմամբ հաստատված Հայաստանի Հանրապետության ներքին գործերի նախարարության կանոնադրության 19-րդ կետի 20-րդ ենթակետով՝

**Հրամայում եմ՝**

1. Սահմանել ռոտացիայի ենթակա ոստիկանության ծառայողների ցանկը և ռոտացիայի իրականացման կարգը՝ համաձայն հավելվածի:
2. Սույն հրամանն ուժի մեջ է մտնում «Հայաստանի Հանրապետության կառավարության 2009 թվականի նոյեմբերի 6-ի N 1254-Ն որոշումն ուժը կորցրած ճանաչելու մասին» Հայաստանի Հանրապետության կառավարության որոշումն ուժի մեջ մտնելու օրվանից:

**Ա.ՍԱՐԳՍՅԱՆ**

**28.02.2026թ.**

ՀԱՍՏԱՏՎԱԾ Է  
ԷԼԷԿՏՐՈՆԱՅԻՆ  
ՍՏՈՐԱԳՐՈՒԹՅԱՄԲ

Հավելված  
Հայաստանի Հանրապետության  
ներքին գործերի նախարարի  
«28» փետրվարի 2026թ.  
N 18 -Լ հրամանի

**ՌՈՏԱՑԻԱՅԻ ԵՆԹԱԿԱ ՈՍՏԻԿԱՆՈՒԹՅԱՆ ԾԱՌԱՅՈՂՆԵՐԻ ՑԱՆԿԸ  
ԵՎ ՌՈՏԱՑԻԱՅԻ ԻՐԱԿԱՆԱՑՄԱՆ ԿԱՐԳԸ**

1. Սույն հավելվածով սահմանվում է Հայաստանի Հանրապետության ներքին գործերի նախարարության ոստիկանական պաշտոններում և ոստիկանությունում ռոտացիայի ենթակա ոստիկանության ծառայողների ցանկը և կարգավորվում են ռոտացիայի իրականացման հետ կապված հարաբերությունները:

2. Ռոտացիայի կարող են ենթակա լինել՝

- 1) ոստիկանության գլխավոր խմբի ծառայողները.
- 2) ոստիկանության ավագ խմբի ծառայողները.
- 3) ոստիկանության միջին խմբի ծառայողները.
- 4) ոստիկանության կրտսեր խմբի ծառայողները:

3. Ռոտացիան կարող է իրականացվել երեք տարին մեկ պարբերականությամբ:

4. Ռոտացիան կարող է իրականացվել միայն հավասարազոր պաշտոն զբաղեցնող ոստիկանության ծառայողների միջև:

5. Ռոտացիան իրականացվում է տվյալ ծառայողին պաշտոնի նշանակելու իրավասություն ունեցող պաշտոնատար անձի հրամանով: